

反讐隸帝反零  
牧牛上音目  
赫奕下音亦

反麌牒牒音伯  
乳糜下密音責  
禦宛禦反密

迫窄窄音繁纏  
迦梨迦梨音繁  
迦梨迦梨音繁

他罕

## 根本說一切有部苾芻尼卷第一

樂一

## 根本說一切有部苾芻尼毗奈耶卷第二

樂二

唐三藏法師義淨奉

## 不淨行學處之餘

爾時薄伽梵爲迦攝波宣暢法要示教利喜已從座而去時具壽摩訶迦攝波隨從佛去作如是念若佛坐時我當奉此僧伽胝衣擗以充座是時便有五百羣賊隨逐其後欲爲劫奪世尊知已於路側欲坐時迦攝波往世尊處速即擗衣爲佛敷座世尊便坐即命迦攝波曰此布僧伽胝極是輕妙極是柔軟白言如是世尊此衣實是輕軟願哀納受世尊告曰汝能著我麻糞掃衣不答曰唯願世尊

哀愍我故爲受輕衣世尊所賜麻糞掃衣我當披服是時世尊哀愍爲受時迦攝波如是次第於八日中無所證獲乞食自持至第九日得阿羅漢果尔時妙賢既無所依不閑時務但覩外相便生敬重遂詣無衣外道而爲出家此女容儀端正無匹外道既見咸生染心雖極厭汙不能遠離遂被五百無衣外道共行非法妙賢罵曰仁等作此鄙惡之行豈成修道女身柔軟既被輕辱受苦難堪即以其事告無衣外道女諸女答曰汝可往詣大師脯刺擎處具述斯事女聞此教便詣師所禮雙足已作如是言我今遭厄極受辛苦願

願慈悲曲垂恩濟彼便報曰我由斯衆恭敬尊重多獲利養如其制約悉皆分散令我門徒遂成衰減任隨彼意我不能知既見慇懃遂行泥印令二百五十人以爲番次時此女人稍減憂惱其王舍城有歡會事妙賢乃與露形外道一處隨行時迦攝波於王舍城在

阿蘭若小室中住於日初分執持衣鉢入城乞食忽見妙賢問言賢首汝比頗得安樂而住修淨行不是時妙賢見迦攝波涕泣盈目悲不自持飲淚言曰與誰爲伴欲於何處修淨行耶昔我與仁居一柱觀十二年內堅修妙業淨行嚴潔如終不踰初無染心以手相觸一從垂異溫投於此雜穢群聚事同畜生

不成出家何有淨行時迦攝波重問其故妙賢致敬猶如慈父以事白知彼作是念此女頗有宿善根不斂念觀已知有解脫分善根誰當濟度知屬於已報言賢首何不於此善說法律而爲出家答曰聖者勿令此中還傳

二

印法答言止止賢首勿作是說今我大師萬德圓滿滅一切障是真福田是歸依處微妙寂靜證真解脫豈容將彼極下劣法而相比耶妙賢聞已歡喜隨行遂將妙賢付大世主告言聖者此妙賢女心欣勝法極善作意可與出家時大世主敬受其教即便與彼五衣

等物授諸學處及近園已告曰汝今宜可於佛境界乞食資身善修淨行是時妙賢於日初分執持衣鉢入城乞食時此女人儀貌端正人間希有衆人見時共生嗟歎何意此女姿態絕倫虛弃年華不受欲樂能捨榮好而爲出家妙賢聞已遂生慚恥自是之後不復

入城而爲乞食時迦攝波因與相見問曰賢首得安樂不妙賢具答彼聞說已作如是語若佛許我乞食減半與妙賢者我當分與自諸苾芻苾芻白佛佛言隨意與半尊者聞已授其半食以相拯濟時吐羅難陀尼見斯事已遂生輕笑謗言聖者大迦攝波先與妙賢

居一柱觀十二年中淨修梵行乃於今日翻有私情乞食相濟時迦攝波聞斯事已至妙賢處教其法要此事應作此不應作宜善用心遂捨而去是時妙賢發大勇猛於初後夜正念相應剋責自心無暫停息即便證得阿羅漢果轉成清淨無生之女

三

尔時迦攝波見而告曰汝今由我善知識故其所作者皆已作訖宜於佛境界乞食自貧是時妙賢於日初分執持衣鉢入王舍城次第乞食時未生怨王枉殺其父生大追悔懷憂在室雖有種種鼓樂弦歌無釋愁惱時彼大臣遇見妙賢儀貌端正容色殊勝便作是念今此美女特異常人宜可進王冀除憂慼作是念已將近王室強逼妙賢脫去法衣著諸綵服具備瓔珞塗拭名香令親侍人進至王所時未生怨王纔觀此女姿容妙絕遂釋憂懷復由妙賢惡業時熟如瀑流水無能止遏遂被惡王強見凌辱如中毒箭生大憂苦

是時大世主於十五日欲瓊灑隨遍觀尼衆不見妙賢入定觀知在王宮內遭大辛苦非常被辱諸尼問言聖者妙賢今何所在獨不見耶時大世主即便命彼蓮華色尼曰汝應斂念觀彼妙賢既聞語已觀知所在猶如壯士屈伸臂頃於尼衆沒王宮中出在高樓上

空中而住邊告妙賢曰姊妹汝已能破諸煩惱覽何不發起大神通事受斯陵辱時蓮華色尼便授要法如是應作如是應修速自調心發起通力是時妙賢繫念除亂於須臾間獲得神足著俗綵衣乘空而去時蓮華色便共妙賢至長淨處時十二衆苾芻尼見已生

大嫌恥作輕笑言我實不能與此宮人同處長淨時大世王聞斯語已告妙賢曰具壽宜往白王著先法服速還來此于時妙賢即乘神通至王寢處其王猶睡在於空中彈指作聲王聞覺已便大驚怖身毛皆豎作如是言汝爲是誰爲天龍耶爲神鬼耶作是語已是

時妙賢空中對曰我非天龍神鬼等但是大師聲聞衆中妙賢苾芻尼時王聞已以頌答曰現無法衣并應器容狀復不似尼形相貌既同倡艷女法俗相違當為說

是時妙賢縱身而下以事告曰  
大王非理相凌逼強奪我鉢并法衣

宜應見授父母財 我欲速歸爲長淨

時未生怨王聞是語已悶絕躋地以冷水灑面方能醒悟便禮雙足求哀致謝即索衣鉢敬授妙賢既受得已即還本處與諸尼衆而爲長淨

余時諸苾芻尼以妙賢事告諸苾芻尼白

佛世尊以此因緣集苾芻尼諸佛常法知而故問依時間非時不問有利問非利不問破使隄防爲際疑惑告妙賢苾芻尼曰汝實作斯不端嚴事耶白言實余世尊復問汝受樂不白言世尊我已離欲豈容受樂佛言汝今無犯然苾芻尼作不淨行犯波羅市迦如蘇陣那我觀十利廣說如上乃至顯揚正法廣利人天爲諸聲聞苾芻尼弟子於毗奈耶中制其學處應如是說

若復苾芻尼與諸苾芻尼同得學處不捨學處學羸不自說作不淨行兩交會法乃至共傍生此苾芻尼亦得波羅市迦不應共住

若復苾芻尼者有其五種一名字苾芻尼二自言苾芻尼三乞求苾芻尼四破煩惱苾芻尼五面白四羯磨苾芻尼名字苾芻尼者如人立字名作苾芻尼或世共計或是苾芻尼種族因此喚爲苾芻尼是謂名字苾芻尼云何自言苾芻尼若人實非苾芻尼自言我是苾

卷二

五

芻尼或是賊住等自稱苾芻尼是謂自言苾芻尼云何乞求苾芻尼如諸俗人常爲乞求以自活命是名乞求苾芻尼云何破煩惱苾芻尼若能斷諸漏所有燒熱諸苦異熟未來生死能善了知永除根本如斷多羅樹頭證不生法是名破煩惱苾芻尼云何白四羯磨近圓苾芻尼謂身無障難作法圓滿是不應訶是名羯磨苾芻尼今此所言苾芻尼義者意取第五言復者謂更有餘如是流類與諸苾芻尼者謂共諸餘苾芻尼輩同得學處者若有先受近圓已經百歲所應學事與新受者等無有異若新受近圓所應學事與百歲

者事亦不殊所謂尸羅學處持犯軌儀感皆相似而得故名同得學處

言不捨學處者齊何名爲不捨學處謂對顛狂心亂痛惱所纏聾瘡癥癡人而捨學處皆不名爲捨若中方人對邊方人作中方語捨不成捨若解成捨若邊方人對中方人作邊方

語若中方人對中方人作邊方語捨不成捨若解成捨若邊方人對邊方人作中方語准上應知若於獨靜處作獨靜想或於獨靜處作不獨靜想或於不獨靜處作獨靜想皆非捨學處若對睡眠入定非人天等變化傍生及諸形像或時間亂或不審告住本性人皆不成捨言學羸不說者應爲四句有非捨學處學羸而說有捨學處非學羸而說有捨學處學羸而說有不捨學處非學羸而說云何非捨學處學羸而說如有苾芻尼情懷歡戀意欲還俗於沙門處無愛樂心爲沙門所苦著慚狀背詣苾芻尼所作如是言大德知不

梵行難立靜處難居獨一難住難居林野受惡卧具我憶父母兄弟姊妹受業師主我欲學諸工巧及營本業於我家族情希紹繼心不樂住若苾芻尼雖作如是追悔言辭然而不云我捨學處是名學羸而說非捨學處云何有捨學處非學羸而說如有苾芻尼詣苾

樂二

六

芻尼所作如是言大德存念我某甲今捨學處是名捨學處或云我捨佛法僧或云我捨蘇咀羅毗奈耶摩哩迦或云我捨鄒波駄耶阿遮利耶或云知我是求寂女知我是俗人肩陀半擇迦女汙苾芻尼父害母殺阿羅漢破和合僧惡心出佛身血是外道女是趣外道女賊住別住不共住人乃至說云我於諸姊妹等同法同梵行者非是伴類是名捨學處非學羸而說云何學羸而說亦捨學處如有苾芻尼情懷顧戀乃至作追悔言而云我捨學處廣說如前乃至非是伴類是名學羸而說亦捨學處云何不捨學處非學羸而

說謂除前相是謂學羸不說言作不淨行者

即是行姪言姪欲者謂兩相交會法者此據

非法名法身業行非名作乃至共傍生謂猕

猴等此者謂指其人苾芻尼者謂得苾芻尼

性云何苾芻尼性謂受近圓云何近圓謂白

四羯磨於所作事如法成就將近涅槃故名

近圓又其進受人以圓滿心希求具戒要期  
誓受情無恚恨以言表白語業彰顯究竟滿

足故名圓具波羅市迦者是極重罪極可厭

惡是可嫌棄不可愛樂若苾芻尼纔犯之時

即非沙門女非釋迦女失苾芻尼體乘涅槃

性墮落崩倒被他所勝不可救濟如截多羅

卷二  
七

樹頭更不復生不能鬚茂增長廣大故名波

羅市迦

言不共住者謂此犯人不得與諸苾芻尼而

作共住若寢灑酢若隨意事若單白白二白

四羯磨若衆有事應差十二種人此非差限

若法若食不共受用是應擯棄由此名為不

應共住此中犯相其事云何

攝頌曰

於三處行姪

三瘡隔不隔

壞不壞死活

半擇迦女男

見他睡行姪

或與酒藥等

被逼樂不樂

犯不犯應知

若苾芻尼於其三處作不淨行行姪欲法即

得波羅市迦云何三處謂大小便道及口若  
苾芻尼共三種人行姪欲法三處纔入作不

淨行即得波羅市迦云何爲三謂人男非人

男傍生男若苾芻尼作行欲心爲受樂意隨

順欲念於活人男起染汙意入不壞三瘡以

有闊入有隔以有闊入無隔以無隔入有闊

以無隔入無隔入大小便道及口即得波羅

市迦如於人男如是應知非人男傍生男亦

余若苾芻尼於死人男三瘡損壞隔等同前

入得窣吐羅底也罪如於人男如是應知非

人男傍生男亦余

若苾芻尼於眠睡苾芻行不淨行睡苾芻於

初中後不覺不知及不受樂無犯行婬者得根本罪若苾芻尼詣睡苾芻尼所若初中知後不知無犯其行婬者得根本罪若初中後皆知而無心受樂者無犯其行婬者得根本罪若初中後皆知有心受樂者二俱得根本罪如尼既尔正學女求寂女事並同然苾芻求寂男准事應悉若苾芻尼以諸酒與苾芻令醉著作不淨行而醉苾芻於初中後有知不知受樂不樂得罪輕重有犯無犯乃至餘衆與酒令醉如上睡眠廣說如醉既尔若以呢術及藥令彼迷亂於彼諸境作不淨行乃至餘衆互爲得罪有無如上若苾芻尼強逼他

樂二

八

苾芻共行不淨行若被逼者初入之時作心變上發火光下流清水農夫見已深生慚愧受樂二俱滅擯若入時不樂入已樂二俱滅擯若入時不樂入已不樂出時樂二俱滅擯若被逼者三時不樂無犯逼他者滅擯如逼苾芻若逼求寂白衣及下餘衆事並准前若苾芻尼等互相凌逼如上應知

卷二

九

時諸苾芻咸皆有疑請出尊曰尊者大迦攝波妙賢先作何業由彼業力二俱步欲佛告諸苾芻而彼二人先所作業還當自受廣說如餘汝當善聽汝等苾芻乃往昔時於聚落中有農夫住晨朝牽牛向田耕植妻至食時爲其送食因往林所採取柴薪時有獨覺於

此林中樹下而住其妻乃於他日入林採薪見彼獨覺身心寂靜容色端然即禮其足瞻仰而坐農夫恠遲作如是念妻今何故時久不來即持耕鞭詣彼林所遂見其婦在獨覺前告言汝與此人作非法事時彼大士聞斯語已爲哀愍故如大鵝王騰身空界現其神

投身于地如大樹崩長跪合掌遙致敬言惟願大聖真清淨者降大慈悲受我供養獨覺哀愍從空而下白言大士我懷疑慮作非理言願垂容恕即持上饌奉施獨覺合掌足下而發誓願我起惡念皆由欲心願我二人生

生常得少諸欲染汝等苾芻於意云何往時農夫者豈異人乎今具壽迦攝波是其妻即妙賢是從是已來乃至於今二俱少欲汝等復聽乃往古昔於聚落中有一長者大富多財後於異時三春屆節百卉敷榮茂林清池花鳥交映孔雀鸚鵡鷄鷹鶯鶯雜類哀鳴羣

飛合響長者與諸家眷出遊芳園佛不在世獨覺出現情懷哀愍受下卧具爲上福田樂居閑靜不共俗交如大犀牛離群獨住時彼獨覺於芳園所樹下而坐時彼長者將妻既至林中共其行欲爲色荒迷不見大士獨覺聞聲從定而起長者遂見獨覺深起羞慚情

圓遶不報言曾聞答言我是問曰仁緣何事而作出家答言我在高樓乃見鷄鳥持肉而飛羣類隨從遍相爭擊棄其肉而向一邊其餘衆鳥共相牽掣我見斯事情生厭捨作如是念何用如此無益之事悉皆棄捨而爲出家復說頌曰

見彼鷄銜肉 衆鳥共交爭 棄之得安寧  
是故捨榮位 欲念無真實 猶如夢想到  
獨步如犀牛 而在一邊住

次問第二獨覺曰仁今是誰彼即答曰仁等少欲諸苾芻曰希有世尊具壽大迦攝波及妙賢女二俱出家佛告諸苾芻非但今生二

雜二

俱捨俗而爲出家乃往古昔亦復如是汝等諦聽我爲汝說於婆羅底斯城有一陶師其作坊內有四獨覺來爲求止宿時諸大士前後而至互不相知時一獨覺入火光定遂即遙見共相問曰仁今是誰一人答曰仁等頗聞有王名曰杖瓶其王復有無量億千象兵

以何緣而作出家答曰我在宮中無量億千兵馬圍遶見二特牛逐一特牛共相觸觸軀體傷損一牛角折退走而去我既見已情甚嗟歎而作是念諸有過患貪欲為本心為惱害深生厭患便即出家復說頌曰

我見二牛爭一特 互相觸觸體損傷

一牛捨離得安寧 有情為欲堂懷怖  
我若犀牛恒獨步 閑曠安然住一邊  
不為諸欲之所牽 得至自在無為處  
次問第三獨覺曰仁今是誰彼即答曰仁等  
頗聞婆羅底斯城有王名曰梵授其王復有  
無量億千人衆圍遶不答言曾聞報曰我是  
問曰仁以何緣而作出家答言我因三春屆  
節百卉敷榮茂林清池華鳥交映孔雀鸚鵡  
鵝鴨鷺鷥雜類哀鳴羣飛合響我於一時與  
宮人姝女嚴四兵衆出遊芳園隨所周旋與  
諸美女歡娛嬉戲食美飲食疲乏而卧宮人  
縱逸貪愛花果見我眠睡詣諸樹邊採花取

果摧殘樹枝悉令毀折我見此已情甚憂歎  
此樹向者花果枝葉滋榮鬱茂忽然凋落乃  
至於此我身亦尔此不須疑復作是念世間  
言論皆惱心神即皆棄捨所有國位而作出  
家復說頌曰

我見衆香妙花樹 枝條毀折不堪觀

卷二十一  
當知諸欲悉皆然 如彼犀牛應獨處  
次問第四獨覺曰仁為是誰答曰仁等頗聞  
於瓔珞城有王名曰壯勝有無量億千人衆  
圍遶不答曰曾聞報言我是復問曰仁以何  
緣而作出家答言我在宮中姝女圍遶時有  
姝女臂著白螺貝珊瑚動手時其珊瑚相擊作  
鬧聲響我見斯事情生憂歎此無有識互相  
擊觸遂即作聲況人共住豈得安靜然復作  
是念世人祇接並惱心識悉皆弃捨而作出  
家復說頌曰

我見環珮莊嚴臂 互相擊觸出音聲  
當知諸欲亦復然 應如野象孤行宿

是時陶師聞諸大士說斯語已妻告夫曰聖子此諸大仙皆是國王自在豪貴弃捨榮位

狀離世樂而作出家我等何故不爲出家

陶師二子復白父言若出家者誰養我等父曰

子勿懷憂待汝長大吾當出家作是語已陶師持瓶徉行取水妻曰聖子我去取水何自

疲勞便奪夫瓶自往河所置瓶于地而去出

家夫聞婦去云我失計令可安家養育子息

年漸長大試其善惡能自活不自食鹽味與

子淡食自喫熟果授兒生者子白父言我豈

不欲食鹽及以熟果乃與淡生云何可食陶

師作念二子已知鹹淡生熟我今時至可遂

先心即便出家逢見故婦曰汝能棄却食你

小兒耶夫曰我已試與鹹淡生熟好惡生知

方捨來此汝既出家我亦出家勿生憂念汝

等苾芻於意去何往時陶師者豈異人乎今

大迦攝波是妻即妙賢是往時二俱捨俗出

家今亦如是時諸苾芻復請佛言大德世尊

妙賢先作何業身爲金色佛言諸苾芻彼自

作業今還自受廣如前說乃至頌曰

假令經百劫 所作業不亡 因緣會遇時

果報還自受

汝等苾芻乃往古昔九十一劫時有佛出世號毗鉢尸如來等正覺十號具足時有王都

樂二十三

十二

王名親慧以法化世人民熾盛豐樂安隱無

諸詐僞賊盜疾疫牛羊稻蕷在處充滿王愍

黎元猶如赤子其毗鉢尸佛等正覺與六

二萬苾芻圍遶去親慧王都不遠河邊而住

佛在座時苾芻大眾威嚴尊重光彩超絕後

於異時毗鉢尸如來遊行人間其佛坐處遂

無光彩其時佛妹啓父王言大王世尊今何

處去我願欲見王曰世尊遊行人間爲欲化

度諸有情故女言唯願父王以瞻部金隨佛

形量作等身像王即以金作像置佛坐處佛

化緣了迴至王都佛威德故瞻部金像遂失

光色殊見斯事極生奇特心懷淨信於佛足

下長跪合掌遂發願言如佛世尊威光神德映此金像使無光色從今已後願我生生之處身相光明與佛相似汝等苾芻昔時女者今即妙賢是由彼往昔以清淨心發正願故所生之處身爲金色清淨微妙光明赫奕汝等復觀至誠猛利以不壞心清淨相續由此

善根九十一劫於上福田下勝種乎受妙果報至今不絕并得現報於多劫中顏容端正

復次諸苾芻汝等更聽妙賢曾所作業由斯福力獲此無比端正超絕顏容金色昔於婆羅底斯城有一長者大富多財命其妻曰常辦飲食爲我供養沙門婆羅門後於異時有

樂

十三

一獨覺身心寂靜而行乞食入長者家妻見獨覺身不端嚴遂不施食既不見與便欲出行其婢見已請却入宅白夫人曰大家何爲不施食耶夫人告曰今此乞者身無光彩故我不施婢言曹主豈有勑令但是醜者莫施食耶夫人曰雖無別勑然我不與婢作是念

我寧不食以己食分可取奉施即便持與干時獨覺懷哀愍心如大鵝王昇虛空界現諸神變使女見已長跪合掌而發願言尊者由身醜故乞食不得我施善根於當來世常得顏容端正人所樂見是時有王名曰梵授與無量百千臣佐圍遙而住大士昇空王衆遙

見悉皆仰觀共相議曰今此大士受誰施食

王衆既見而說頌曰

今此大士向誰家 除去貧窮與安樂

於勝上田下福種 能令果報無盡時

王聞是某長者家大士受食長者聞已便即歸家問是家人與此大仙已分之食即命使

女告曰能爲斯事從今已去任汝自活所須用物隨意而取夫人懷瞋以杖打頭即便命過我彼不肯與夫人懷瞋以杖打頭即便命過得生三十三天纔生天已天堂宮殿光明赫奕無不照耀是時帝釋及四輔臣見彼女人微妙端嚴容儀超絕心皆迷亂啓帝釋言令

此妙女極愛樂者當可與之天帝釋曰誰不愛樂皆欲得取爾時天帝而說頌曰

我今情極迷 不辨方隅處 用心而守念  
僅得且存身

是時天帝第一大臣復說頌曰  
天主猶安隱 對此說伽他 如聞大鼓聲

欲亂亦如是

第二曰曰

如杖擊敵時 唯打聲轉大 如瀑流漂木

欲亂亦如是

第三曰曰

大水漂諸木 相交不暫停 毒蛇張目瞋

樂二  
十四

欲愛亦如是

第四曰曰

仁等心安泰 能各說伽他 我今自不知

爲死爲是活

是時天帝及諸大臣共相議曰此日由貌美

色恐命將盡宜以此女共相供侍時諸苾芻

咸皆有疑請世尊曰大德甚爲希有以何因緣由彼顏容端正可愛諸天迷惑皆說伽他佛告諸苾芻非但彼時令天惑亂而爲美頌乃往昔時亦復如是由此女故城邑聚落諸少男子皆於彼所而爲歌詠汝等諦聽往時

於一聚落長者有妻顏容端正形儀超絕其可愛樂時五少年因至聚落見長者妻情皆染著心並迷亂令使告知私相求及欲於其處共爲交會時此婦人報夫主曰有諸少年共來求我我當辱之君當默住令彼羞被報其使曰可於夜闇向某處多根樹上暫時相待我當即至其第一人令向樹東枝上坐次

告第二人可向西枝次第三人可於南枝次第四人可在北枝次第五人坐樹中枝各不

相知作此處分諸人依語皆住樹上至曉相待婦人不來其中一人而說頌曰

日光今出現 農夫已向田 妻語旣不來  
可捨多根樹

樂二

其第二人又說頌曰  
彼妙者定來 不應為妾語 何因此日光  
急速而出現

第三人亦說頌曰  
日光已旭旦 農夫往田業 我等如愚羊  
在樹受寒凍

第四人復說頌曰  
今遭大苦惱 求他婦故然 我等共君迷  
夜寒幾凍死

第五人復說頌曰  
我不憂己身 一夜寒受苦 但愁迦羅樹  
枝枯不復生

于時有多根樹神而說頌曰  
汝等但憂身 勿憂他外事 樹損有生期

欲苦無停息

汝等當知耽欲之人有如是過徒受辛苦事不遂心是故勤求出離生死除欲過患  
彼長者妻即妙賢是由端正故能使帝釋及

諸大臣并聚落人心迷意亂今復端嚴顏容  
殊妙甚可愛樂見者耽著時諸苾芻復請世  
尊言妙賢先作何業於五百外道中而為出  
家被他逼惱佛告諸苾芻彼先作業今還自  
受廣說如前乃至說頌  
汝諸苾芻乃往古昔於婆羅痩斯城中有一

姪女銜色活命若得男子五百金鎰方共交  
會時有五百同邑義人各送金錢於姪女處  
請某芳園共為集會姪女得錢往詣期處路  
逢王子遂被留連不赴園所彼五百人期時  
將過各懷憂惱時有獨覺性懷哀愍受下卧  
具為上福田住空閑所於小食時著衣持鉢  
詣五百人所時彼諸人見此大士身心寂然  
各持美饌而為奉施大士即便昇空現諸神  
變廣說如餘乃至合掌發願我等今於最上  
福田而興福業當獲此報彼惡姪女取錢不  
赴各令我等心生憂惱從彼在俗或復出家  
願我當來常相惱逼共行非法汝諸苾芻於

意云何往時五百人者豈異人乎今五百外  
道是其姪女者即妙賢是由此因緣彼雖出  
家五百外道尚行惡逼時諸苾芻復請世尊  
妙賢先作何業證阿羅漢果復被未生惡王  
而爲強逼行不淨行佛言由昔願力大德彼  
於誰處發斯願耶佛言乃往昔時有一長者

娶妻經父竟無子息長者念曰此妻不生可  
別娶婦迎第二妻既至家中得新忘舊輕賤  
前妻愛重後婦前妻白夫我受五戒夫見持  
戒情生敬重後婦生嫉而作是念作何方計  
令其破戒遂將酒與夫飲之令醉引其入房  
彼婦睡眠夫便強逼共行非法即於前婦極  
生惱恨時有獨覺於小食時著衣持鉢入聚  
落中而行乞食至長者家妻見獨覺身心寂  
靜持食奉施獨覺哀愍此女人故爲現神變  
婦人長跪合掌發願我今於上福田所作福  
業使我當來縱此小婦證得神通我願強逼  
汙其淨行汝等苾芻於意云何昔時大妻者

今未生惡王是其小婦者今妙賢是雖得阿  
羅漢果尚被他逼

時諸苾芻復請世尊大德今此妙賢先作何  
業由彼業力於出尊所而爲出家斷諸煩惱  
證阿羅漢於明了中得爲第一佛告諸苾芻  
妙賢先自祚業今還自受廣說如前

樂二

十七

汝等苾芻乃往古昔人壽二萬歲時有迦攝  
波佛妙賢於彼而爲出家彼鄖波駄耶是阿  
羅漢利智神通最爲第一是時妙賢臨終之  
日而發願言如我親教師於迦攝波佛法中  
利智第一願我值彼大師釋迦牟尼佛出現  
出時得爲出家亦授我師利智第一汝諸苾  
芻於意云何昔發願尼者今妙賢是由此因  
緣今得遇我利智第一時諸苾芻復請世尊  
具壽迦攝波曾作何業由彼業故生富貴家  
受用豐足顏貌端正人所樂觀已曾千度生  
贍部洲如是東西北洲一一各經千度受生  
從四天王盡六欲天乃至光音天各經千生

今遇世尊出家修行斷諸煩惱證阿羅漢汝等苾芻此迦攝波所造之業果報成熟廣說如前乃至果報還自受汝等苾芻乃往過去於波羅痪斯王名梵授以法化世去城不遠有寂靜處花林鬱茂甚可愛樂有仙人居止深懷慈念哀愍有情常求利益俱與五百仙

人居住於此佛不在世獨覺出現常懷慈愍受下卧具爲上福田去仙不遠作草庵住是時大士於小食時著衣持鉢入城乞食次第乞已便昇虛空王與目佐朝集而住遂見大士昇於空中虔心頂禮王問住處嚴辦好食持將奉施每日三時往獨覺所時有童子依止仙住而作是念今此大士苦行成就每日三時國王參禮作是念已日亦三時詣獨覺處又於他日大士持鉢往北拘盧洲乞自然粳米飯滿鉢而還香氣普熏仙住林所其仙童子至獨覺所白言大士尊於何處得此食來獨覺報曰從北拘盧洲仙童聞已極生淨

信請獨覺言唯願大仙哀愍我故明日受食便受其請時諸仙衆皆食根果悉行來覓唯留童子令看處所于時童子晨朝早起取稗米一升以乳煮熟滿盛一器將奉獨覺食已爲現神變具說如前乃至合掌而發願言願我福業所生之處得大富貴容儀端正顏色

卷二

七

雅麗衆人樂觀從是之後千度已於贍部洲生東西北洲各生千度從四天王盡六欲天乃至光音天各經千度又願得逢大師今獲勝果汝等應修勿爲放逸汝等苾芻於意云何其仙童者豈異人乎今大迦攝波是由昔供養獨覺發願所生之處太富多財尊勝豪

貴汝等苾芻由是義故我常宣說時諸苾芻復請世尊具壽大迦攝波先作何業彼由業力世尊記云於佛教中少欲知足樂住閑靜常行杜多最爲第一

佛告諸苾芻迦攝波所造之業果報成熟還須自受汝等苾芻過去人壽二萬歲時迦攝

波佛出現於世彼佛教中有人出家其親教師少欲知足常行杜多樂住閑靜波佛記爲杜多第一彼出家弟子臨終之日而發願言如我親教師於迦攝波佛法中少欲知足樂性空閑杜多第一此佛授記當來之世人壽百歲有釋迦牟尼佛出現世間值彼大師而

爲出家亦授記我少欲知足杜多第一汝等苾芻於意云何迦攝波佛教中出家發正願者今迦攝波苾芻是我亦說彼於我教中少欲知足杜多第一時諸苾芻復請世尊具壽大迦攝波先作何業由斯業力若有醉象見尊者時即便醒悟佛告諸苾芻此迦攝波五百生中常爲出家而不曾犯惡作之罪由是因緣見者恭敬

攝前頌曰

二人俱少欲 共修真梵行 常生富貴家

少欲最第一

十九末

聖教仰報

平江路磧沙延聖寺比丘志願情旨伏自行年庚辰五十七歲初  
二日建生發心於中綿鈔伍伯錠現開本寺

大藏經板流通

佛恩用資三有乞保琪世福壽增崇他生三嚴俱備常作比丘形  
永為釋子凡在時中吉祥如意者

大德十年歲在丙午二月

日意願

根本說一切有部苾芻尼毗奈耶卷第二

樂二

伽胝下珍恣態下鄙惡涕泣上音不踰下音濫  
反灑上博毛倡艷上美拯濟上聲絃歌上音賢  
反羅上丁哩丁吉邬波駛上一古反咤唐賀擯上反羸力垂  
反棄上必窣吐上蘇互爲上牙同耕植下常犀牛

上音 痞斯上尼陶師上音鷄鳥上尺脂反  
西音牽掣下昌特牴下音觸底上音歡娛下音遍  
第音嬉戲上許佯行上音欸女解稻蔗上音道下  
反蓋被下女旭且上羊幾凍上音殊妙上昌衙  
音饌縣饌床戀裨子上蒲杜多上徒朱反